



Bosnia and Herzegovina
Federation of Bosnia and Herzegovina

CANTON SARAJEVO
Ministry of Communal Economy and
Infrastructure

Broj: 27/01-05-41335-63/19
Sarajevo, 28.11.2019.godine

SKUPŠTINA KANTONA SARAJEVO
N/r Predsjedavajući Skupštine Elmedin Konaković
- OVDJE -

Predmet: Odgovor na zastupničko pitanje – dostavlja se
Veza vaš akt broj: 01-05-41335 od 22.11.2019. godine.

Zastupnica **Vildana Bešlija** na 15. Radnoj sjednici Skupštine Kantona Sarajevo održanoj dana 19.11.2019. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članovima 211. i 214. Poslovnika Skupštine Kantona Sarajevo, postavila je zastupničko pitanje, koje glasi:

„Da li su izvorišta vode u Kantonu Sarajevo u svom obuhvatu zaštićena od neovlaštenog pristupa čvrstom i sigurnom ogradom, te drugim potrebnim mjerama fizičke zaštite i osiguranja?“

ODGOVOR:

Na osnovu člana 66. stav 3., a u vezi sa članom 220. stav 1. tačka 3. Zakona o vodama ("Sl. novine F. BiH", broj 70/06), federalni ministar poljoprivrede, vodoprivrede i šumarstva, u saradnji sa federalnim ministrom zdravstva i federalnim ministrom okoliša i turizma, donio je **Pravilnik o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva** ("Službene novine Federacije BiH", br.88/12).

U skladu sa Pravilnikom, **Član 4 (Vrste izvorišta)**, zone sanitarne zaštite se dijele na:

- a) izvorišta podzemne vode u akviferima intergranularne poroznosti → član 6., → I Zona
- b) izvorišta podzemne vode u kraškim akviferima → član 7. → I Zona,
- c) izvorišta vode iz površinskih vodotoka → član 8. → I Zona,
- d) izvorišta vode iz akumulacije/jezera → član 9. → I Zona.

„Po definiciji: "izvorište" označava uži prostor gdje se iz vodnog tijela podzemnih voda ili iz vodnog tijela površinskih voda zahvata ili se planira zahvatati voda za ljudsku upotrebu.“
Izvorište mora biti šticeo uspostavljanjem zona sanitarne zaštite koje su navedene u članu 5. Pravilnika, i to: a) **I. zaštitna zona** kao zona sa najstrožijim zabranama i ograničenjima;
b) **II. zaštitna zona** kao zona sa strogim zabranama i ograničenjima;



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086,
Fax: + 387 (0) 33 562-177

Sarajevo, Reisa Džemaludina Čauševića, 1

- c) III. zaštitna zona kao zona sa umjerenim zabranama i ograničenjima;
d) IV. zaštitna zona kao zona sa preventivnim zabranama i ograničenjima.

Uvažavajući da postoje 4 vrste izvorišta, kako je precizirano u članu 4. Pravilnika, svako od ovih izvorišta ima svoju specifičnu I zonu sanitarne zaštite, respektivno:

1. izvorišta podzemne vode u akviferima intergranularne poroznosti → član 6., → I Zona

„Granica I. zaštitne zone iz stava 1. ovog člana obezbjeđuje se ogradom ne nižom od dva (2) m koja se postavlja na udaljenosti ne manjoj od deset (10) m od vanjskih kontura svih objekata koji se nalaze u vodozahvatnom području.“

2. izvorišta podzemne vode u kraškim akviferima → član 7. → I Zona

„Granica I. zaštitne zone izvorišta iz stava (1) ovog člana obezbjeđuje se ogradom ne nižom od dva (2) m koja se postavlja na udaljenosti ne manjoj od dvadesetpet (25) m od vanjskih kontura vodozahvatnog područja ili vanjskih kontura geoloških formacija iz stava (1) alineja b) ovog člana.“

3. izvorišta vode iz površinskih vodotoka → član 8. → I Zona

„Granica I. zaštitne zone izvorišta iz stava 1. ovog člana utvrđuje se na udaljenosti ne manjoj od dvadesetpet (25) m od vanjskih kontura vodozahvatnog područja. Ista se označava:

- a) adekvatnim plutačama/plovcima na vodotoku;
b) ogradom ne nižom od dva (2) m na obalama vodotoka.“

4. izvorišta vode iz akumulacije/jezera → član 9. → I Zona

„Vodozahvatno područje izvorišta iz stava 1. ovog člana utvrđuje se ogradom visine od najmanje dva (2) m i to na udaljenosti od najmanje deset (10) m od vanjskih kontura vodozahvatnog područja.“

Za sprovođenje kontrole zaštite po predmetnom Pravilniku, **nadležni su vodni inspektori**. Za sva izvorišta izdašnosti preko 10 l/s nadležna je Federalna vodna inspekcija. Ovdje spadaju sva izvorišta **centralnog vodovodnog sistema** kojim upravlja KJKP“Vodovod i kanalizacija“d.o.o. Sarajevo, kao i izvorišta kojima upravljaju preduzeća JKP“Vodostan“d.o.o. Ilijaš i JKP“Komunalac“d.o.o. Hadžići.

Za sva izvorišta koja su manje izdašnosti od 10 l/s, nadležna je **kantonalna vodna inspekcija**.

NAPOMENA:

Iako izvorišta vode za piće spadaju u nedjeljiv dio vodovodnog sistema, postojeći pravni propisi nisu jasni u smislu određivanja stvarne nadležnosti nad ovim resursom. Tako se ponekad kao nadležno definiše sektor okoliša, ponekad ministarstvo privrede, a rijetko ministarstvo za komunalne poslove. Ovo je rezultiralo gubitkom kontrole nad vodozaštitnim zonama kao najvažnijim dijelom svakog vodovodnog sistema obzirom da provođenje svih obavezujućih mjera zaštite nema jasno utvrđenog nadležnog organa. Zbog toga je bila opravdana namjera da Kanton Sarajevo uredi ovu oblast samostalno, po strožijim kriterijima. Trenutno smo u zoni visokog rizika sa aspekta sigurnosti.

S poštovanjem,

Dostavljeno:

1. Skupština Kantona Sarajevo, 2x
2. Vlada Kantona Sarajevo, na znanje
3. Evidencija,
4. a/a.



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086,
Fax: + 387 (0) 33 562-177

Sarajevo, Reisa Džemaludina Čauševića 1

